


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-99	Az-Zilzaal	8	1	Madaniyyah	Ke-93	2



Zaman Diturunkan

Surah az-Zilzaal adalah antara surah yang diturunkan pada peringkat permulaan kehidupan Rasulullah di Mekah di antara tahun 1 ke 3 Kenabian. Pada ketika itu seruan kepada ajaran Islam berjalan secara sulit dan rahsia. Antara ciri-ciri surah yang diturunkan kepada Rasulullah pada ketika itu ialah ia mempunyai nilai kesusasteraan yang sangat tinggi, ringkas, kemas dan padat.

Perkaitan Surah Az-Zilzaal Dengan Surah Sebelum Dan Selepasnya

1. Di dalam Surah al-Bayyinah sebelum ini orang-orang yang menerima rasul terakhir dikatakan خَيْرُ الْبَرِيَّةِ dan orang-orang yang menolaknya pula dikatakan شَرُّ الْبَرِيَّةِ dan mereka diancam dengan azab neraka. Di dalam Surah az-Zilzaal ini dinyatakan sebelum menghadapi azab neraka, manusia akan melalui suatu zaman di mana segala amalannya akan dikira dan dihisab. Pada ketika itu setiap yang beriman dan yang kafir akan melihat segala amalan baik dan amalan buruknya tercatat dalam suratan amalannya.
2. Di dalam Surah al-Bayyinah sebelum ini disebutkan bahawa hujjah yang lengkap telah pun diberikan kepada Ahli Kitab dan juga orang-orang musyrikin Mekah dengan datangnya nabi terakhir membawa kitab suci terakhir daripada Allah, di dalam Surah az-Zilzaal ini dinyatakan bahawa suratan amalan yang akan mengemukakan segala amalan manusia sebelum mereka dihukum juga dengan maksud menyempurnakan hujjah dan alasan dari pihak Allah.

Beberapa Kata Kunci Dan Tema Utama Surah

1. Perkataan أَشْتَاتًا menjelaskan suatu hakikat bahawa manusia akan menghadap Allah pada hari kiamat nanti bersama-sama dengan bermacam-macam aqidah dan amalan-amalan mereka sama ada baik atau buruk (Ayat: 6).

يَوْمَئِذٍ يَصُدُّرُ النَّاسُ أَشْتَاتًا لِيُرَوْا أَعْمَالُهُمْ ⑥

2. Setelah mengemukakan pemandangan hari kiamat, surah ini menyebutkan bahawa manusia akan ditunjukkan suratan amalannya yang mencatat segala amalan baik dan buruknya لِيُرَوْا أَعْمَالُهُمْ (Ayat: 6), يَرَهُ (Ayat: 7 dan 8).

فَمَنْ يَعْمَلْ مِثْقَالَ ذَرَّةٍ خَيْرًا يَرَهُ ⑦ وَمَنْ يَعْمَلْ مِثْقَالَ ذَرَّةٍ شَرًّا يَرَهُ ⑧

7. Maka sesiapa berbuat kebajikan seberat zarah, nescaya akan dilihatnya (dalam surat amalannya)!
8. Dan sesiapa berbuat kejahatan seberat zarah, nescaya akan dilihatnya (dalam surat amalannya)!